



## **SIUMUT** INATSISARTUNI ILAASORTAATITAT / LANDSTINGSGRUPPEN

Inatsisartut suleriaasiat § 36 immikkoortoq 1 naapertorlugu Naalackersuisunut imaattumik apeqquteqarniarpunga.

**Ulloq 12/05-10 nunatsinni tunisassiatta illersorneqarsinnaanissaannut tunngasumik apeqqutigisama ulloq 14/06-10 Naalackersuisunit akineqartumut tunngatillugu apeqqutissaqarpunga.**

**Naalackersuisunut Apeqqut:**

1. **Qanormi isiorluta immitsinnut annertunerusumik pilersorsinnaalernissarput angussavarput?**
2. **Qanormiuna isilluni Nuuk Imeq-mi sodavandit maqinneqartartut kisiartaallutik nunatsinni tunisassiarineqartut?**
3. **Nunatsinni tunisassiarineqarsinnaasut assinginik Nunatta avataaniit eqqunneqarsinnaaneranut inerteqquteqalersinnaaneq ilumut Nunatsinnut ajoqutaasinnaanera Naalackersuiut qulakkeerlugu misissorniarnarlugu?**

(Inatsisartuni ilaasortaq Malik Berthelsen, Siumut)

**Tunngavilersuut:**

1. WTO-ip malittarisassai “**immaqa**” aporfusimappata, taavami allatut qanoq iliorluta nunatsinni tunisassiaavut illersorsinnaavavut? Imaluunniit qanoq isilluta nunatsinni suliffeqarfimik tunisassiornermik aallutaqartunik assersuutigalugu qaqsorsaasiorfimmik sikuliorfimmilluunniit aallartitsiniartut qunutinneqassanngikkunik politikikkut stigit tapersorsorneqarsinnaappat?
2. Naluneqanngitsutut imeruusaatit (sodavandit) kulisyremik akullit Nuuk Imeq-mi maqinneqarsimasut kisimik Nunatsinni pisiniarfinni nioqqutigineqarput. Tamanna WTO-ip malittarisassaanut unioqqutitsinerunngila? Nalunngilara imeruusaatit puui (emballage) ”sakkugalugit” taanna aaqqinneqarnikuusoq. Kisianni taava paaserusuppara imeruusaatit puui utertittakkat Nuuk Imeq-mi atorneqartut assingi nunatta avataaniit nunatsinnut tunisassiassatut tikisinneqarsinnaanersut?
3. Nunatta avataaniit nioqqutissat tikisittakkatta taamannak tusindiniit ataasiakkaannguit nunatsinni nammineq illersorneqartumik tunisassiarilerutsigit isumaqanngilanga piniartarfinnut (leverandør) ulorianartorsiortitsilissasoq. Taamaattumik Naalackersuisut WTO-mut ilumut qulakkeerlugu misissornianninnerlugu nioqqutissanik ataasiakkaannguanik mattussineq ilumut nunatsinnut ajoqutaassanersoq?

Soorlumi akissutissinni ilaatigut ima allattusi, ”*Nunat allat suliffeqarfiinut takutinneqarsinnaasumik ajortumik sunniuteqangippat suliffeqarfinnut tapersiisarneq akuerisaavoq*”.

Tassami **ilimagisat** aallaavinagit kisiannili **ilisimasat** aallavigalugit isummorsorutta tamatsinnut pitsaanerussaaq..